

皇朝經世文統編



皇朝經世文統編目錄

雜著部一

論中國不得享萬國公法之益

張維說

中外一家說

罪言

恃強無益論

中國宜勿受欺於人說

論中華將來必能廓大

書中華將來必能廓大後

中外風氣大開說

中國亟宜廣開風氣論

論中國目前要務

論中國宜謀求實學

論中西之學宜並取兼收

中國宜行新政論

論西法將盛行事

論西法切於民生

論華人痛詆西法

中國復古宜參考西法說

西法長短說

效法西人當從有益論

借西俗以祛中弊說

論師西法不足恥

西法西器已有成效說

中西一貫之道論

中國人才易於變通說

論好古之弊

人才囿於風氣說

雜著部二

心力說

論中國於孔子舊法並未泥守

利弊說

防漸篇

審機說

遠謀篇

遠慮篇

綜覈名實說

萬全策

人當以務本為先

紓外患而固邦本說

論強弱相因之道

論治亂

小國不可無政論

亡國有先後論

愛國說

守法論

二毒說

自主論

論中國藩屬與泰西各國不同

權論

論民權

人不可以無權說

四民論

廣四民論

民鬱不宜論

紓國難恤民隱論

論恩威並用之難

論今日要務亟宜收拾民心

論弭事變宜正人心

論中國宜正人心

論制度宜集衆長

變近時經略議

歐西借箸

論自強不強事

讀湘報

論中國祛弊宜漸不宜急

書派員就學近聞事

重派出洋學生議

論子弟出洋肄業事

中國續招考選西學肄業生章程隨時變通論

論西人七日各人休息事

推廣遊歷章程議

論遊歷之益

論西人之機智

西人動作必圖大利益論

論華人隸英籍之區別

論華僱隸西籍

論華人謀生他國事

說利

中外貧富異同論

中西貧富互勘論

中國宜宜收回利權說

論中西市道之不同

論致富

保富論

置貨可以頓致巨富論

英國大赦奴僕記

雜著部三

人物地名互相借用不始於西國說

琉球朝貢考

論外洋進獻方物事

論皇帝之號

皇帝不可微行論

辨論人主不可微行事

天理人情論

情理說

性情論

記心悟心辨

是非說

守拙篇

黜奢崇儉說

說儉

說勤

勤能補儉論

砥行說

砥廉說

寡營說

修省篇

公利說

義利辨

說諛

驕諛同源說

齊家要言

齊家之道不徒以能忍為貴

勸孝說

異端有關風化說

說運

關巫說

辨惑篇

關風水說

惜食惜衣論

節口腹以惜物命論

天誕地誕說

天幹十字通用考

論經足

譜牒論

中國寶星攷

寶石說

金鋼鑽石考

雜著部一

論中國不得享萬國公法之益

萬國屏中國於萬國公法之外者何也以其非大國歟則全地球一千三百餘兆人而中國得其三百餘兆矣全地球分為六大州土地而中國又得亞細亞洲最大之州之一大半矣以其非文明之國歟則四千餘年前已有歷法紀元二千餘年前已有孔聖設教早超出乎拉丁埃及之上矣然則其屏我於萬國公法之外者則以我中國政刑之律多不能從同也西人知我之不能從同又適遇我連番挫敗之餘無不藉口要挾乘機逼迫統計道咸通商以來其中受虧者不止一次不在一端然其大較可得而言也傳教與國事本不相闕有保護之例無抑勒之為而各次約章無不參入傳教一條矣一國有利各國均沾此何為者也而中國獨忍受之西人在中國無不均沾其利而我華人之旅美旅荷旅法旅班者其得與有約章之國同沾其利否耶有海口則有領事有村堡則有教堂領事教堂之所不及則有遊歷人員以遍佈於吾內地無論商事事重案細情關駁吵鬧皆惟各海口之領事是當領事之上復有公使公使之權可集兵輪兵輪之外租界民團伏戎衷甲環如也喧賓奪主莫此為甚而華工之見逐於美者不能以施諸我者而施諸彼也華商之見凌於班者不能以爭諸我者而爭諸彼也漸至小民積怒成仇布莫一快其敢刺刃於外人之腹者拿辦之後繼以賠償賠償之餘餌以口岸租界而且不足去年德人占領膠州之事是已其有在中國犯事之外人雖至理虧勢窮領事公使戰艦裹甲等無所用其袒護亦必百計千慮旁見側出以恫喝我遊說我黃鼓我恐嚇我而我以刑律不同之故亦不得不俯首下心就其範圍任其倒置而後已此非無所見而云然也往年英人美生私運軍火一案其尤彰彰也至於我一言及欲設領事則必多方阻撓使不得行即至事或垂成亦必使之敗壞而使快無論其他即班國小呂宋導中國現欲設領事微論其十餘次而卒無一次之成香港近在肘腋之下亦至今闕然焉其已設者亦復見制於和約章程而不得享平等之利靜生無為學太上之老子吁其瘼也以言稅則西貨入中口務從其輕中西口務從其重以言商情西人賴華人債一經報窮便可了事華人欠西人債雖至萬不得已亦必已身繫獄照會華官封其家產累其親朋而後已此中之故雖華官媚西過於奉承亦實由西人在中國約章所載權利太大之故不觀廈門德商寶記寶昌暢暢之事乎同安縣署所拘者若而人廈防廳署所禁者若而人首尾三年至今未了一船之瑣越境勞官此事若全在西國將

見伸理多時矣推原其故皆中國不變政刑自吃其虧苟一旦發憤為雄先變刑律與萬國等即不必船堅砲利而已進於文明外之與萬國同為平等內之則兆民之志氣可伸馬首是瞻東有啓明導吾先路也夫

張維說

凡有血氣皆有爭心爭者天地之性也晏肆其爭則亂人爭而已不爭則亂爭而不知所以爭則亦亂禮義廉恥之維所以止天下之爭所以正天下之爭也外國振興商務機械工巧無微不至中國力求相角數十年來其效之可睹所謂富強之迹如無網之綱無楫之舟勢亂漂搖卒無所定何哉外國外務其末內持其本中國外持其本內務其末本者何四維也不者何商務也四維以恥為本以廉為用以義為樞機以禮為模範模範能成物而不能應用天下事有恥始能動忍有廉始能整齊有義始能相時而動不失其宜外國議院諸政舉動皆師管商實則有廉恥義以維之經百數十載教堂清拿反覆振蹶夢極思奮人爭自立故日見其盛中國文詰頻行上下不牽羣臣如陛衆庶如地彰彰於天下者禮而已無事之時委蛇俯仰雍容揖讓亦足以自持際此外侮交訐度支日絀在上者亦知昔日之禮不足以通變救弊步趨外國歲不惜數百萬帑金爭設海軍學堂通商諸大政而積重難返經營其間率多無恥無廉無義之徒試問督撫之保荐賞拔果真知其恥廉義乎申科異途登仕版者果自厲其恥廉義乎一二拔俗救模敢為之士沈淪數載不遭折抑亦且退阻建節開府者或耿介以鳴廉矯激以尚義張皇粉飾以圖雪國恥大本大原不遑維持補救而猶鯁鯁然共目為匡時良佐噫上下相蒙苟且旦夕而已天下大物也為天下重負也如負物然人輩以黃牛之革已繫之以朽索勝負尚待計哉子曰齊一變至於魯魯一變至於道外國如齊中國如魯外國未習詩書紀綱之密往往近於周官其謀議規立之難可知中國典籍具在不難率由且世運升降不外文質損益外國尚質中國尚文外國之質祇得十之五中國之文至於十有八苟去文之大半輔之以質運祖宗廟精謀治之意參周官六職之精義復孝弟力田鄉舉里選之法簡科條罷摘例廢科舉重學校之政習古今之要署行義之年登明選公監獄憲吏嚴其非橫議邪說重其誅去厘損以紓商招外洋游商以保富講修屯田以節餉興水利以衛田開墾地以助用元氣一復唐革元盈如是則行已有恥共砥廉隅見義而奮上下同心黜華崇實不尚異物而洋貨滯不遺已利而洋商之計熄內外上下不徒漢宮威儀委曲繁重於奉令承教之間行之三年而已可行之十年而大治何失地之惜何國債之慮何外侮之憂何海軍鐵路之亦步亦趨哉人必自侮而後人侮之人第知外國蠹中國之財不知千百庸懦奔競今大貪狡之士大夫在在蠹中國之元氣俾恥廉義固

有之良心摩銷蝕於上沃下困之中外國之維三中國之維一卒之一維亦不足恃而不可言矣夫聖人之道似迂緩難行四維之實效人每慮不能立見嗚呼日本海國也恥其積弱而自強則竟逞矣中國不能師古豈不能師日本因禍為福轉敗為功是在謀國是者耳狂夫之言亦小雅之遺意也

中外一家說

圓顧方趾戴天履地之人莫不有血氣心知之能即莫不有仁義禮智之性不可以中外而歧視之也蓋自其異者視之則中國神聖迭興豈乏窮奇樸杙自其同者觀之則外國禮教未著亦多奇士偉人故孔子作春秋杞中夏也而用葬禮則黜之秦西戎也而能聘魯則嘉之所謂嚴彝夏之防者以其人非以其地也昔義軒之世九大土嘗共一尊矣考西國載記云天地開闢肇生人物有亞當御世亞當云者譯言軒轅黃帝也又云該隱無道天降洪水人畜湯然挪亞嗣位日漸蕃庶有子三人曰閃曰含曰雅勿謂西方諸國之祖該隱殆指帝堯言挪亞一作挪亞威即放勳之轉音凡西書言古事無不從洪水起可知洪水以後聲教阻絕中西不通史稱神農之世地過日月之表非虛語也騶衍言中國之外有裊海八而大瀛海環之在局守一隅者方謂衍說荒唐不知今日地球既開歷觀西人之說有可印證衍言者西人言八大土合中國為九非即衍言中國之外有裊海八乎西人言五大水匯涵地球非即衍言大瀛海環之乎且非獨衍言也九土之說已見於河圖括地象令西人考北冰海承北極南冰海承南極中有魚長數千丈已見莊子北溟鯢化為鵬之說則秦漢以前之人若洞悉地球之全體矣又近斌郎中見埃及石棺銘郭侍郎見克里何碑石柱銘文字類石數之體墨西哥有數千年古城石堞有字類蝌蚪與大利亞大山絕壁上有文如篆籀及鳥獸草木之形苟非四千年前曾被同文之化烏得有此哉洪水以後中西隔絕方外之人不沾聖化中國於是駁駁有鄙夷外人之意不知今日各國之強匪獨其武備之習抑由其文教之興個儻非常之人倡為一教能令億萬眾靡然從之如沙門教起於印度天方教起於阿剌伯羅馬教則英瑞瑞丹荷奉之天主教則法意奧比葡奉之希臘教則希俄奉之之類莫不有精理名言發聾振聵而為奉教之人所心悅誠服王制云聖人修其教不易其俗彼俗自有教吾何為痛絕之哉然今之講西學人洋教者僅竊西人之緒餘每岸然自高輕視華人幾以聖教為無用其意以為華人詐偽不如西人之誠篤也華人事務紛飾不如西人事事着實也華人取士以文所學非所用不如西人學以藝成位由公舉也然此乃末俗之流弊豈聖教之本然乎余嘗謂今之華人各奉聖教實事事與聖教相反今之洋人不識聖教實事事與聖教暗合請條舉其事而一切指之聖教

最重忠信華人之詐偽失之西人之誠篤近之也聖教最重力行華人之粉飾失之西人之着實近之也聖教最重學校家塾黨庠序國學比年入學三年考校養老乞言於此論秀書升於此又先設小學使勝未童子無不就博今考外國學校如林星羅棋布人皆就學國無游民何其與三代盛時氣象相似也西人最重幼學尤與蒙以養正之旨相同中國則一省一地書院無多又祇視為具文無作育人材之實此非華人與聖教違洋人與聖教合乎唐虞明試以功車服以庸周官興廉舉孝法至善也今西人議院之員悉由公舉尚有古意中國則漢重策論唐重詞章有明以後重制義鄉舉里選之法不可復行益風會澆漓人心變詐之故不大失聖王治世之本乎若數第一門古人尤重專精之學故兄之戈和之弓垂之竹矢皆藝以人傳至黃帝作飛車周公作指南車後漢張衡作地動儀蜀諸葛武侯作木牛流馬以今西人製造較之猶避其精自中國不講攻工藝術之書流入西國西人專精之引伸之擴充之愈出愈奇愈變愈巧其技遂為中國所不能及然則技術為聖教之緒餘亦西人得之而華人之失之也西人何能與聖教合則以其理在人無中外古今之異也華人何反與聖教背則以流及既衰風俗頹靡失其本來也故概詆外人者固為一孔之儒如夏蟲不可語冰雞鶩不知天地而南習西學僅得皮毛反疑聖教足弱人國亦未知中國之弱在狃唐宋以來之積習而未復唐虞三代之宏規耳祖述堯舜憲章文武聖教者唐虞三代之宏規也舉而措之則一部周官即致太平之具而冬官之已亡者復取西人所長補中國所短切實講求不遺餘力著為會典特設專科將中國四百兆之聰明材力豈不能步武歐西哉彼西人者民風樸茂藝術精良而力圖富強孜孜不已新製一出諸國互相仿效甚得古人主善為師之意惜其俗重婦女陰尊陽卑甚至有女弑父而奪其位復以讓其夫者則以未聞聖教故也設以今西國之富強東古中國之禮義將聲教四訖中外一家九土一尊之盛必不獨見於義軒時矣豈不懿歟

罪言

嗚呼論中國於今日不猶之抱病者已入膏肓雖有良醫如和緩而亦莫能奏其功哉強鄰環伺虎視眈眈乘機而動思裂華夏蓋其瓜剖豈分之念存諸懷來者已久矣而中國衰哀諸公依舊酣睡未醒遽延將就過且過一若西人之借端構釁不過欲圖振興商務藉此以沾其利益耳其他非有所奢望也故於德人佔據膠澳一節非但不思厲兵秣馬與之相見於疆場反若以該處荒涼偏僻在中國本為贅疣不棄固無所用棄之亦無所惜於是彼所要求之事竟致無款不遵即九十九年之租約亦無不惟命是從殊不知名為租予實則其地已不為我有矣昔人有詩云君王莫記燕雲棄

一寸山河一寸金當軸者即未曾二復斯言當亦知西人擾我亞洲之局實於此而首發其端否則外洋各報何以於德人此舉每多贊美之辭甚有著為論說謂德廷處置中國甚為得宜諸國極應取以為法又如二十四日貴報所記並報論瓜分中國一節此可見近數年來其欲分中國之意已早流露於口舌之間德人正導其先路耳況以中國物產之饒地輿之廣五金礦產之富幾於所在皆有誰不思畧為染指而苟亦借教案以起釁藉口正自不難蓋前之所以未露圭角者猶以分取非洲之事未了故其心尚可從緩今則已專注於我矣其勢不更危迫哉倘當國之人猶然漫不介意以為及身尚可幸免竊恐嗣是以後雖欲苟安旦夕而亦有所不得矣此實豈茶小臣痛哭流涕所不忍形諸楮墨者也竊嘗考核膠澳至京之路以海程計之並不遙遠現又興辦鐵路之際與東省相接亦屬意中之事設一旦水陸並進直犯京師朝發不難夕至此可危者一也凡聞俄人亦欲索租旅順大連灣兩處此又有不得不允之勢東三省之地更為彼久所垂涎倘與德人同時發難則我兩處受敵雖有智者亦莫能善其後矣此可危者二也德俄既已如願如執利益均沾之說英法自必接踵而起此英圖揚子江法圖閩粵人所早經逆料者恐又在轉瞬間矣此可危者三也英俄德法既皆飽啖所餘者雖係殘羹剩汁而亦未始不足以供一飽彼環球各國食指久動有不起而爭奪者乎此可危者四也方今國庫空虛歲入不過七千萬而償款乃至二萬萬有奇入不敷出即閭巷小民尚難支持矧為國乎昔人有言云室如懸磬野無青草何恃而不恐此可危者五也北洋戰艦淪陷殆盡設欲購置以備不虞無論無此款項即或有之而急於此者正復不少欲復海軍舊觀實有憂乎難之者設一旦海上烽烟相逼而采試問憑誰抵禦此可危者六也往者長師失地小民義憤之心無不溢於言表以為大辱莫逾於此甚有願蹈東海以死者此其不忘君父之心固出於不自覺也今則大異於昔矣膠澳被踞幾若司空見慣無足重輕即有扼腕歎息者亦不能如前此之激昂慷慨民心如此其氣之不振已可概見此可危者七也方今各省災荒迭告米珠薪桂即係家素豐而一粥一飯亦覺來處不易此盜賊充斥所由來也況又飢民載道設有黠者從中煽惑安保不嘯聚山林乘機以起事乎外患方熾內憂將作不為國家之害者幾希矣此可危者八也中國利權悉為外洋所奪現雖振興商務究不免有名無實而遽謂即可挽回利源也恐亦無此異事矧近來各處市面悉皆清淡異常商民之困頓有可以一望而知者聖人云百姓不足君孰與足此可危者九也加以現在度司百僚敷衍了事業已習慣成風即有欲圖振頓之人而人各一心遇事或動遭掣肘則與其因事釀咎何如緘默自安轉得永保其祿位如是則雖有旋乾轉坤之手亦將望而顧忌文誰肯出其死力以效其忠悃哉識者曰朝廷

現雖不惜鉅款開設經濟特科將來才士之多固可預必然而緩不濟急且新進小臣又不免為資格所限縱有長才恐亦無從展布此可危者十也然此尚舉其大略而言之若其他委靡不振之端則竟如百孔千瘡縱令墨乾筆秃猶不足以盡所欲言東望長安有不禁涕零如雨者矣橘鬻當世勢已岌岌不覺有激於中遂不得不發聲振聵以冀補救於萬一耳此外非所計也知我罪我亦惟聽諸悠悠之口而已

恃強無益論

俄羅斯國之地不為不廣且多也俄羅斯國之人亦皆知其悍且狡也不徒日肆其蠶食而且日肆其鯨吞於何見之於其侵據薩夏連島之事見之初海中之有薩夏連島也與俄羅斯日本兩國均隔海洋其南境與日本對岸相去較近故先為日本所屬之地其北境則與俄羅斯對岸相離少遠近來島北一帶已為俄羅斯所占據島中有一村落居人僅七十家亦被俄兵據其半俄人又以多兵鎮此島兵士時或飲醉常與土人滋鬧一日適值俄人喜慶之期俄兵乘醉直至日本官署深入內室盜去日本官一履借此以為辱之也日本人大忿與之爭殺俄兵以報索不敵為所敗走是夜有貨倉忽遭回祿日本人聞警出救俄兵以石相擲日人怒欲與鬪日官下令禁止日民從之未至釐成大禍然俄兵之肆惡益無畏憚故日本人多不願居此島云夫古之人君輻員狹小者莫如商之成湯周之文武積德累仁者亦莫如商之成湯周之文武故湯以七十里之侯封東征西怨南征北怨若大旱之望雲霓人心一歸遂有天下享國至六百餘年之久文武以百里侯封文則三分有二武則八百會歸滅商而代之享國亦至八百餘年之久是商周之初疆域不過百里安能及俄國二萬數千里之提封廣且多哉終使天下朝宗享年永久質文相尚忠厚成風又安能如俄國數千萬億之生靈悍且狡哉自周以後秦以詐力亦取天下然僅二世而亡隋以陰譎起家祇傳二代元以暴虐御世未及百年恃大與強者究有何益漢高崛起布衣無寸土非徒不及秦皇而且不如項羽卒成漢業享國延長豈有他哉不過無秦皇之詐無項羽之猛而已李唐起事祇有太原趙宋開基僅由榆點前不能及隋文後不能如元世終能成大一統之業綿數百年之作者不放隋文之諱元世之暴而已昔太祖亦起匹夫與漢高比烈當時與爭天下者又有陳友諒張士誠其勢實大於太祖然友諒士誠均歸滅亡而太祖終踐帝祚者無他仁與不仁而已矣於以知帝王開國承家創業垂統者並不在其地之廣且大也亦不必其人之悍且狡也終在積德累仁而已今俄君既不能效法則於前王又不思令名貽於後世已有地如此之廣且多尚未填其豁壑任其如此之悍且狡又不加以教化豈尚欲求數十萬里之土地數億兆

衆之人民反致尾大不掉之害果何益哉語曰多行不義必自斃俄君曷不詳細思之何必逞此富强之勢而隨處與他國爭地爭人也且不必徵諸往古也即鑒於近今法國之事豈非前車耶吾願俄國君臣慎勿以徒笑法國者而反為世所笑也

中國宜勿受欺於人說

西報述及中國向德國購來之鐵甲船兩艘先擬在旅順口停泊以固該處門戶繼因該處水淺乃移泊於威海外其意似乎笑我中國舉事之初無成見也者又言旅順一口地勢原屬險要故中國竭力布置威說邊防砲臺方向一切均為得法然竟謂該處為天塹敵人不能飛渡則又未必盡然蓋該處東西兩邊皆有可進之路而後面海道橫亘三十餘里不能到處嚴防若由東西兩邊而進則旅順口全歸無用前者英兵侵逼之時即由東邊而入雖彼時旅順口尚不若刻下之防閑得法然有旁門可通則正門即不足深恃此一定之理也此其言又似譏我中國不知扼要也者前此當鎮遠等鐵甲船初到中國時西報已曾隱隱相譏謂中國有鳥而無籠新到鐵甲船將必駛往閩海等語正不知西人何故為是言不亦有輕視我中國之意乎雖然中國於此固不必恨西報以妄肆譏評且不可以西報妄肆譏評之語為不足重輕正當即其所言而自為審度擇其言之有合於我之措置處而隨時補其罅而彌其隙此則中國之善策也我思中國此時竭力整頓邊防特設海軍全政衙門逐漸布置必有以自強而後快其辦理諸人無非親信重臣才德動望皆為極至此其謀敵聲畫自必有大過人者然事事必須躬親則亦不勝其繁用人而一有不當則又不免受蔽於其下且下之蔽之也猶圖易於發覆也所慮者受欺於西人耳西人惟利是圖無論何國大都一致而中國此時初創海防凡於一切軍械船舶與夫築臺駐船等事或未能確有把握則不得不藉周咨博訪之力有時商之於西人而西人言此處宜築砲臺砲臺宜何向臺上宜置何砲宜何彈言之鑿鑿可聽時或採用其說迨砲臺築成砲亦安置而後細細體察則所防者僅在一面倘敵人舍此而攻彼則此布置者全然無用也於是又加防於彼而不知尚有可乘之隙如西人所謂張順一口有東西兩面可進者則是既欲防此又欲防彼不勝煩勞而卒於不得其要領而此處需用軍械若干彼處又需用槍砲若干則已皆購辦悉備西土砲廠之生意則獲利固有穩焉者矣且各國之人其說尤屬不一某國人所言者皆係其國之法所用者皆係其國之械於是即向其國購辦而求軍士習之尚未精純忽焉而又有他國人進一說則見法又一變其械亦不同或又向其國購之以來棄前之所習者而習之以致混雜不清軍士咸莫名其妙卒至於一無所成

而止意是可惜也西國重商務商人皆為國家所保護故官商聯為一氣即其商人亦莫不忠於其國家西官又莫不惠顧其商人故凡於中國與商之事苟有可以利其國之官商者無不竭力慫恿以期其成一國如此各國無不如此故中國而與西人謀海軍諸事恐不免如築室道謀迄於一無所成此則中國之大患也中國中此病而舉事致無定見西報又重而譏諷之西報之譏諷中國彼固以為中國之受欺於西人也然幸而尚有西報之譏諷而中國可以有所警覺而默為鑒觀是則西報之言未嘗不有益於中國矣夫中國此時正在振作奮興極意整頓則第一當持之以定見而處之以細心凡何處宜築砲臺則必詳細繪圖統籌全局擇其扼要之處而建之庶幾一勞可以永逸雖曰敵情千變天下固無一成不變之防法然奔者舉棋不定尚恐不勝其偶而謂防務而可朝令夕更也乎至於某口宜駐泊何船亦必先將海口測量詳盡核對兵輪之大小食水之淺深而後定駐泊之處勿以重船而嘗試於淺口以至從前布置胥歸無用而船中臺上所用各砲則必須預先鍊熟何砲宜何彈宜何藥迥然不同勿參用勿悞用此則更關緊要軍中所用之鎗亦然前者西人曾言見一兵士手持後膛鎗而身懸一囊囊中藥藥者皆係前膛鎗彈正不知何所用之中國此等弊病容或有之是又當早為審慎者也總之當軸諸公如能事事躬親自不至受欺於人如其不能則尤當於用人之際慎於審擇勿徇情面勿採虛聲若慮目前無人則趕令出洋學習習成而後用此則鄙人言之已詳無待贅論者也

論中華將來必能廓大

嘗窺上天所制之例强者尅弱者讓實為一定之理及觀乎山裏之草木曠野之走獸空中之飛禽强者霸弱者避亦無不有可取徵焉至於強字之義不僅拘乎人物之大小動力之多少而解釋之其可服乎時勢宜乎變易有忍耐之能亦均包在強字之義內也夫以人而論之若氣質最為上等有耐苦之能且有勤勞之性則必為強也者若雖有剛勇之性情身體之動力而仍有放蕩之野心無勤勞耐苦之性久而久之此亦必遜於彼亦為一定之理耳觀於世事亦有可徵者馬姑以西洋而先論之英布等國之人俱稱為安哥薩孫一族即原本於歐洲西北之人也凡西北安哥薩孫之人所至之地不必盡用兵戈漸而漸之土人均有遜焉久而久之土人幾無存焉其在亞美利加僅為五百年前所轄之地在新金山牛西蘭等地僅為一百年前所轄者而此兩地皆能等於一統歐洲之大先亦無不各有土人乃安哥薩孫一族人既到而土人之數竟至一年少於二年亦似無不為一定之理雖英人既得此兩地皆特設衙門以撫恤保護此地之土人奈何竟似有不能兩存於一壤之理而土人竟一年少於一年矣至以亞西亞洲而論之則蒙古一族人在東亦

如安哥薩摩一族人之於西亦無異焉蓋此則原本於歐洲之西北彼亦本在於亞西亞之東北也故曰蒙古一地亦為中國之一族人也足以凡有講究人族來歷之事無不知中人於古昔時必有出於蒙古一族人者而在往古以其為亞最強之一族人從北漸南而中國土人無不逐漸避之及至於今土人所存祇有在臺灣之生番在西南數地之苗子而已但未必皆中人本族於蒙古人惟至蒙古始而相各人之容貌從北而漸至南似雖歷千世氣候祇有些須之變漸至南方始漸有此須雜於土種之異矣故西人都稱中人為蒙古一族人或者天以其於古昔出於蒙古一族人遂賜元代以為中國皇帝蒙古君主也乃此蒙古一族人如大水之波漸而從北流之南凡別族人無不避之吾曾往游西貢嘗觀西貢人容貌亦與蒙古一族人無大異也故雖有土人與蒙古兩族并形於容貌乃以強剋弱之理相推久而久之蘊於蒙古種者於孳生較繁趨於土種者於孳生較稀而幾至盡成蒙古一種人無異矣再觀於各中之人於昔年至新加坡及巴大非亞與暹羅等地雖時在未通商之前而無本國之保護乃以其才質勤勞強於別種人漸而漸之已能將各地方之生意佔為自有若加之再有本國之保護豈不幾至變為中人之地乎於以知安哥薩摩一族人之於西無別種人可敵焉而蒙古一族人之於東亦無別種人可敵焉乃近來幾年重海既通幾無遠不有此兩強族之人初時相遇究如如何之何果竟誰讓誰剋與若以此兩強族人相比較蒙古人於耐苦省簡實更較強於和平其有自治之能亦為較強至論西人之性情較為悍急如偶然不得善法以束治之則易為亂國矣試視與倫敦京都一地日有二萬數之捕快晝與夜巡邏於各街週夜必然燈亮如白日而後可得安分之治乃中人不必用此強制亦可得而平治矣蓋其性情較為平和故也至於耐苦之心中人亦更較強故於氣候寒冷可服習之氣候炎熱亦可服習之乃西人於炎熱之氣候不能耐服故必自拘於風涼之地而後已若其才質中人亦不讓之近世以來西人創興各實學一世始悟然既省悟之後一年進一年無不皆受其實學之益矣乃中人遲之又久無人講求實學者祇因除制藝之法外無別覓津祿之門故耳惟既已用盡一生精力於此故無暇計及於彼矣夫西人既已乘此實學之各益而遂可以自逞為甲於天下乎試觀中人不以此各新法而可以立此堂堂之中國若能再加以各實學之益其權柄尚不知伊於胡底也至以人口而論除印度外比別大國多至西倍地之肥腴甲於天下人之才能除西人外亦無可比者焉故中國若能振興不逾五十年則天下將無可敵之至於俄之在北回回之在南日本之在東皆伸手而可滅之矣然此乃祇論及蒙古人在亞西亞洲東之事勢若論及中人出洋而父母之國果能有大權柄以保護之亦未必不然矣至新金山舊金山兩地所有之蒙古安哥

薩孫兩強族近已相遇而安哥薩孫之人初知已遇其真正敵手怕蒙古人以其才能勤勞省簡久而久之必將霸于其地而我一族人漸而漸之將必被其擁擠出去而終使我地歸作中人之地矣因而旋啓寇枉中人之論創與拒禁進國之例以救其後也於此足見蒙古一族之人大有興旺之兆矣

書中華將來必能廓大後

曰中國之地廣矣中國之人衆矣而歐洲之人議論中國之事反首推蒙古之人何也余曰亞細亞歐羅巴二洲地雖接壤但自上古以及唐宋亞歐二洲之人不相聞問至元代興太祖鐵木真世祖忽必列兩朝起於漠北兵威先及於歐洲各國之地而後入關一統中華為中國主元史所稱元兵當未入關以前已滅大小八百餘國然後滅金其言雖近於誇未必皆有實事然亦足以見元代兵威所及者廣且遠也故歐洲各國之人於中國唐宋以前之事皆不及知惟於元代以後之事始克知之是以不能稱述唐宋以前之人僅能全知蒙古之人故必首先稱述之也其實不知蒙古之人當未入關之初亦為外國之人及元代入帝中華而後中國始有蒙古之人然中華雖有蒙古之人亦不過僅為中華人類中之一種耳不能盡概中華之人為蒙古之人也皆因歐洲之人通商未久而於中國前代典籍尚未能人人盡知蒙古則毘連於跨有歐洲之俄羅斯國且於五百年前元代聲名早播揚於歐洲各國故歐洲各國之人談論中國之事必先為蒙古首屈一指亦無足怪耳然此亦俗習使之也昔周成王封殷之遺裔箕子於海外之朝鮮而朝鮮始立為國三代以上帝王不勤遠略成王因箕子竄於朝鮮設就其地以封之使奉殷祀而已後則以海外之國目之亦不使之朝貢列於中國諸侯之班故終周之世並未聞朝鮮一國同與朝貢之列及漢時武帝好大喜功屢勤遠略而高麗一國大約亦在朝貢之班後高麗一國屢為中華藩服乃今之高麗並不稱華人為周人反稱華人為漢人何也想係周不朝貢漢始朝貢故也又如日本一國世傳為秦之徐福攜帶三千童男少女渡海往彼求覓仙草肉不能得而秦已大亂遂將男女配合立國於此由此言之日本之人當稱華人為秦人矣何以又稱華人為唐人也殆因徐福之事本屬子虛而日本之通中國實由唐始此日本稱唐人之所由來也至若論中所言西貢人容貌亦與蒙古一族人無大異此則因安南向為交趾元代實隸版圖故蒙古人有駐防於其地元亡遂為西貢之土人也夫中國三代以上中外之判最嚴除中夏數千里之外即為戎夷蠻狄之人不令混入中國及周之衰犬戎獵仇屢犯中華而陸渾無繇等戎亦均混跡華夏漢時匈奴等入更多寄居於中國者至晉遂有五胡亂華之禍自此以後而關外各國之人混入中國者亦與華人無異此南渡諸華

人所以各有郡望之分也元代之蒙古人亦不異是故至於今即令華人亦不能自知其先實為何國之人矣又况歐洲各國之人哉

中外風氣大開說

西國諺云有聖人英傑不取信於鄉里更必待之後世始能取信於眾人此誠自古及今中西一理即孔子大聖出類拔萃而當時王侯亦未傾心尊敬若泰西之耶穌現其稱為天主之子然當其在日世人縱目之為善士要亦有疑其為痴迷者又如亞拉皮亞國之麻呵麥創立回教之初曾宣於眾曰我睡山洞之中天主於夢中示以回教經書云云當時本鄉之人無不視之為調語在後逃至別地愚弄羣眾以經內有殺外教之一人即為行一善事在碑上亡命死後當享天堂之樂愚氓信之日援干戈不逾多時亞細亞洲之西陲成為戰場竟至各人遭其荼毒遂相率而奉回教以免殺戮之苦沿習既久忘其奉教之初心轉誠心服從視麻呵麥幾等於天帝矣印度立佛教之祖為釋迦今之錫蘭島遺跡猶存馬釋迦生時無非一憂愁幽思之人鬱結於心幾將成病不能樂人之所樂爰避入僻地常自入定而愁病更甚死後有惑眾之人遂因之立教欲人棄其本然之樂竟效釋迦愁悶之狀以為此即上天堂之法羣愚迷信俱以拂天之意轉足取悅於天而不自知其誤觀以上數事可知實有聖德當時未必取信於人彼假托神靈者或轉可以幸獲也抑不特論人為然即由人而論世亦何莫不然查西史有曰某年華人乃創製指南針按指南針實大有益於世苟無此針不能通重洋故現以此一年為超越古今之年雖當時君臣創此亦置之於不甚緊要而自後世視之覺惟此一舉實為民生攸賴之要務也至於創造火藥鎗砲之一年現亦視之為超越古今之一年其為物固有關於人之性命是否西國先創抑中國先創迄今未審大約亦由中人居先在當時各處仿行創造亦不知其利害所關有如此之大者今則攻城掠野非此不行矣且夫居今世而謂百世以後必共推為世世相承之第一世有不斥為妄語哉然于細思之恐不得為妄論而實為確論也試思煨之以煤雖頑鐵而可變為靈巧之物無不可匠心獨造焉大鐵船履海如平地世界上最遠之區兩月內無不可到火車飛歷山谷一日內可走四千多里如家室之安至不須人力而事之最細者亦無不可創造聆音顧曲有八音琴也指點時刻有時辰鐘也或謂時辰鐘特一玩物而已不知鐘擺之緩急是一博學人所創識蓋重物之落地與地球之遠太陽月亮之遠地球其間或落或遠之遲速須一一考核而創例以算之審察精確方無錯誤而鐘擺之疾徐亦在此例焉苟無此鐘船在重洋將何以測其道里而免不虞之事乎電線紛沉於各海底頃刻可傳語數萬里幾

若無遠之弗至創立雷氣之博學士知雷氣每一分時可行五千一百六十萬里又知雷氣有回流如線斷在重洋之中以所創之微妙機器可算定斷處約幾道里派船往撈修接歷歷不爽設無此實學則欲尋其斷處豈非如海裏撈針乎照此創舉約有百數誠難盡述或又謂此皆為奇快之事於國之教養無關顧泰西各大國之富強皆由於此亦可無多辨焉況謂今世為超越前古更有甚於以上所述者如格物之學化學算學等項能探討源流方可以定準則從此步步做去始有確據無一些模糊影響故知此各實學始悟從前各國之皆不及也譬如化學約有六十三行本質之物或之先鎔再蒸則成其為各類之氣或合於別氣而成別物再從不能變化後敘其氣用其法而復原形仍一些不爽焉又各樹木及菜蔬無不明其蘊本質之若干樣復查其所生之地連氣內及水無不備蘊化幾樣本質否則樹與菜不得成焉故化學格物學之實據約有千萬法可憑總之天地造成萬物各物中必先備有本質而後天地乃造成之若一無實學詭稱憑一張紙一根草可以變人變馬變兵甲是天地所不能者而謂彼獨能之豈非荒唐之詞乎英國不上一百年前常有以法置女巫於死罪蓋以此等人自稱其祝詛之能藉以嚇眾而鄉愚或有信之者近因實學已明律例已裁去此條國內固無女巫亦無人肯信於以見格物學及化學之創立實闢千古以來之絕學安得不以此世為極盛之世哉又從古至今各國皆以勸人為善為事者有成書萬言固欲人崇善黜邪以冀進斯世於上理乃近又幡然覺悟知日以老生常談逢人勸勉者愈煩而聽者愈厭轉視之為具文而已試觀西洋各牧師大約皆好善之人然因其家法太嚴其子弟平人之子於持身涉世之道或轉不及即如中國仕宦家子弟腹滿詩書然究不得謂善言善行必勝於平人家之子弟也總之人之良心生而即具必日日教之誨之強之以為善各有厭其禮法之苦轉而湯檢踰閑矣故西洋咸以為官之有德與否實難取必須用法以求之於是有活字板之創有日報紙之行有寫字簡便法之妙凡人之一話一言可隨其口之所出一一照錄無論崇牘會議等事官必一字無遺再或有五六處大日報亦照樣備載藉以參攷今日之事明日悉備登於各日報具有冤屈不伸者徧傳通國位諸人供詞亦照供詳載為通國人所知是以見證人亦不敢上下其手然則由活字而遂有日報之設是亦為千古未有之善舉也得謂今我所處之世非為卓越之一世乎但中國於今日尚未全沾此益或再越幾十年當可同此治法夫自開闢到今歷有千萬年而僅至約五十年前西國始創此種種良法茲則其端已開若再過數十年其振興之機當更隆隆直上能弗使有心人拭目俟之乎

我國家自咸豐年間許息兵與泰西各國定約海禁大開濱海各省汲汲焉講求西學泥古之士鑒於四夷之逼處方知是守成法之失一時言西人之言者有之學西人之學者亦有之當局者猶恐學焉不精精焉不廣于是因時制宜廣設學館造就人才以為異日襄理洋務之用有志之士雲集蜂起其尤者庸重任獲顯名為宗族交游光寵于斯時也風氣為之一變然此特沿海各地則然耳若夫內地則未也所習者八股試帖所惡者西言西學見官府仿西法創造一物紛紛聚訟肆意譏毀指為異端鄙陋成風不可醫藥猶憶前歲之秋航海北上同舟某申談天下事大言炎炎為之美不可仰其言曰彼以鎗砲我以仁義以我之長攻彼之短何戰不勝何攻不克殊不知文教與武備相輔而行處今日之勢雖孔子復生亦不能不稍加變通矣余友味道惜花兩子與之力爭各執一是奮袂而起幾至攘臂余謂兩子曰子母然彼固鄉曲陋儒何足與較後數十年必有以余言為不謬者何必晚晚焉與若輩爭口舌哉既至京稍稍與京中士大夫游談餘語隙波及時事其吐屬與甲一轍外省督撫每創一事羣焉聚議一人倡之眾人和之或上之奏牘或筆之於書前三年太和門驟遭火災天壇被焚兩事指為天象示警竟罷大工京中紛紛傳說謠言四起聞之堪為噴飯雖然其言可哂其情亦可原何則其聞見使然也吾謂居今日而策富強當先廣開風氣欲開風氣莫若仿本埠格致書院規模廣設書院院中多備器具書籍任人檢覽或或禁按月課試而命題之法則本埠格致書院尚有未盡善者蓋所謂格致者即物以窮其理也今院中季課間以史論命題與格致無關衡卷者仍以文律疎密筆致靈拙為取去與他書院課試無甚區別今應變通其法自藝時務論次三則天文地理與兵法機器算學聲學光學電學重學力學化學醫學動植之學間出三四題所錄之卷取其識見寬其文律又由官設格致官書局禮延精於中西學者廣譯西國有用之書賤價出售以廣流傳使咸知格致之妙用然後迂腐之見化然後非謗之風息朝野一心人無間言為國者則庶幾乎有所藉手矣顧或者曰昔賢不云乎吾聞用夏變夷者未聞變於夷者也信如子言不將變於夷者乎曰吾所謂變者將以學其學而非欲入其人也若今日之所謂通洋務者言其言行其行食其食衣其衣外此更無能事矣吾又何取焉

論中國目前要務

客從鏡海寄惠環章就中所言計有四事一曰禁鴉片鴉片來自外洋近則各省亦產之當其始至之時原係約料之用自有嗜之者其弊不可勝言矣當夫知已相逢良朋聚處一燈暗對半榻橫陳話舊雨於良宵叙深情於永夕偶然嘗試亦覺提神習染漸深遂成痼疾寢食而志倦神昏憂假而筋疲貌悴啜粥面深墨乍見忘形對燈淚頻流豈真悔過買米